



# Xabar

O'ZBEKISTON POCHTA VA TELEKOMMUNIKATSIYALAR AGENTLIGI NASHRI

1992 yil martdan chiqa boshlagan

2002 yil, 29 mart № 13 (498)

Sotuvda narxi erkin

## КЕКСАЛАР ХУРСАНД БЎЛДИ

Агентлик мажлислар залида улуг айём — Наврўзи олам байрами ҳамда Қарияларни қадрлаш йили муносабати билан тантанали йиғилиш бўлиб ўтди. Уни Агентлик Бош директори ўринбосари Ш.Обидхўжаев олиб борди.

Тадбирда алоқа соҳасида узоқ йиллар меҳнат қилиб, кексалик нафақасига чиққан

қариялар совға-саломлар билан тақдирландилар. Шунингдек, шу куни йиғилишга келолмаган собиқ алоқачилар ҳолидан ҳам хабар олинди. Уларга моддий ёрдам кўрсатилди.

Тантана сўнггида қариялар бундай эътибордан хурсанд эканликларини изҳор этишди.

Ўз мухбиримиз

## ИНСТИТУТДА НАВРЎЗ БАЙРАМИ

Юртимизнинг барча жойларида бўлгани каби Тошкент электротехника алоқа институтида ҳам баҳор байрами кенг нишонланди. Улуг айём муносабати билан институтнинг ўқитувчи ва ходимлари байрам дастурхонига таклиф этилдилар.

Яшариш ва янгиланиш тантаналари институт талабалар ётоқ-

хонасида давом этди. Бу ерда Наврўзнинг шоҳ таоми — сумалак тайёрланди. Ётоқхонада яшовчи талабаларга ош тортилди. Шу куни талабалар мазза қилиб байрам қилишди. Бу шодиёна улар хотирасида узоқ вақт эсда қоладиган бўлди.

Обиджон ХИДИРОВ, талаба

## ФАХРИЙЛАР БИЛАН УЧРАШУВ

Тошкент электротехника алоқа институтининг Иқтисодиёт факултети талабалари билан факултетнинг иқтисод фанлар доктори, профессор М.Абдурасулов ва иқтисод фанлари номзоди, доцент М.Баратовалар ўртасида "Фахрийларимиз-фахримиз" мавзусида мулоқот бўлиб ўтди. Унда институт Маънавият ва маърифат ишлари бўйича биринчи проректори, профессор Н.Мўминов ҳамда факултет ўқитувчилари иштирок этдилар.

Тадбирда фахрийлар йиғил-

ганларга ўзларининг ўқиш ва меҳнат фаолиятлари ҳақида сўзлаб, мамлакатимизнинг янада обод ва фаровон бўлиши учун талабалар чуқур билим олишлари лозимлиги, бунинг учун уларга барча шарт-шароитлар яратилганлигини таъкидлаб ўтдилар.

Фахрийлар талабаларни кизиктирган саволларга жавоб бердилар.

Х.МУХСИМОВА, Иқтисодиёт факултети декан муовини

## ОЛАМДА НИМА ГАП?

• ЯНГИЛИКЛАР • ВОҚЕАЛАР • ХАБАРЛАР

● Матбуотда «2002 йилнинг 1 апрелидан бошлаб иш ҳақи, пенсиялар, стипендиялар ва ижтимоий нафақалар миқдорини ошириш тўғрисида» Ўзбекистон Республикаси Президентининг Фармони эълон қилинди.

● Берлиндаги "Дунё маданиятлари уйи"да Ўзбекистон Халқ артисти Муножот Йўлчиеванинг концерти бўлди. "Буюк Ипак йўли" халқаро фестивали доирасида ўтказилган ушбу анжуманда санъаткорнинг энг сара кўшиқлари янгради.

● Швециянинг "Electrolux" компанияси дунёда биринчи бўлиб, гапирадиган кир ювиш машинасини ишлаб чиқарди. "Electrolux Kelvinator" деб номланган ушбу машина Хиндистонда тайёрланади.

● Афғонистонда жорий йилнинг 23 мартдан ўқув йили бошланди. Мамлакат ҳукумати вакилининг маълумотига кўра, Фарб давлатлари ажратаётган маблағларга мактаб биналари қурилмоқда, китоблар ва кийимлар харид қилинмоқда. БМТнинг Болалар жамғармаси (UNICEF) хабар беришича, таълим муассасаларида 1,5 миллион афғон болалари билим олишади.

● Леннокс Люис бокс бўйича жаҳоннинг мутлақ чемпиони номини сақлаб қолиш учун Майк Тайсон билан беллашадиган бўлди. Боксчиларнинг вакиллари яқинда шу ҳақда келишиб олдилар. Жанг жорий йилнинг 8 июнида АКШнинг Тенниси штатидаги Мемфис шаҳрида жойлашган "Пирамида" залида бўлиб ўтади.

Давлат алоқа инспекцияси Наманган вилояти бўлимида жорий йили назорат қилувчи органлар фаолиятини мувофиқлаштирувчи Республика кенгаши томонидан тасдиқланган режа-жадвалга асосан "Наманган почтаси"

акциядорлик жамиятининг Янгиқўрғон ва Тошбулоқ филиалларида текширувлар ўтказди.

Текширишлар жараёнида мазкур филиаллар миқозларга жўнатмаларни юбориш учун ёғоч ва картон қўтилар, газлама қўплар билан таъминланмаганлиги маълум бўлди. Янгиқўрғон филиалнинг марказий ва бошқа текширилган алоқа бўлимларида хат-жилдларни тўлдириш намуналари қўйилмаганлиги аниқланди. Ушбу камчиликларни бартараф этиш учун тегишли кўрсатмалар берилди.

Ўтказилган текширувлар таҳлили шуни кўрсатдики, аҳолидан тўшаётган эътироз ва мурожаатларнинг аксарияти пенсия тўлови бўйича бўлмоқда. Мурожаатларни

эканлиги қайд этилиб, нафақани олган шахс ва тўлаган хабарчи имзоси қўйиб борилади. Бу усул назорат учун ҳам қулай бўлмоқда.

Шунингдек, филиалларда телефон тўлови бўйича ҳам муаммолар мавжуд.

Алоқа бўлимлари томонидан телефон тўлови қабул қилингандан сўнг миқознинг телефони ишлатилиши лозим. Аммо бундай бўлмапти. Натижада миқоз кейинги ойлار учун телефон хизмати ҳақини тўламапти. Ушбу муаммони ҳамкорликда бартараф этиш мақсадида "Наманган почтаси" АЖ ва "Наманган Телеком" филиали ўзаро шартнома туздилар.

Ш.ТОШТЕМИРОВ, Давлат алоқа инспекцияси Наманган вилояти бўлимида бошлиғи

## ШАРТНОМА ТУЗИЛДИ

камайтириш учун хабарчилар томонидан ҳар бир пенсионернинг ижтимоий ҳолати ўрганилиб, нафақаларни белгиланган муддатларда тўланиши амалга оширилса мақсадга мувофиқ бўлар эди.

Аваллари фуқароларга қайси оғирнинг пенсияси тўланганлиги номаълум бўлиб, турли тортишувларига сабаб бўлар эди. Ҳозирда "Наманган почтаси" акциядорлик жамиятининг барча филиалларида ҳар бир пенсионер учун алоҳида пенсия дафтарчаси тарқатилган. Дафтарчада тўланган сумманинг аниқ вақти ва қайси ойда тегишли

## БУХОРОЛИК СОВРИНДОРЛАР

Алоқа соҳасида хизмат қилаётган муҳандис-техник ходимларнинг ихтирочилик ва рационализаторлик фаолиятларини қўллаб-қувватлаш, уларнинг ижодий имкониятларидан фойдаланиш самарадорлигини ошириш мақсадида ўтган йилнинг бошларида Ўзбекистон почта ва телекоммуникациялар агентлиги Радиотехника, электроника ва алоқа илмий-техника жамияти билан ҳамкорликда "Почта ва телекоммуникациялар соҳасида энг яхши ихтиролар ва рационализатор-

лик таклифлар бўйича республика танлови"ни эълон қилган эди. "Бухоро Телеком" филиали алоқачиларидан бир гуруҳи ҳам ушбу танловда фаол қатнашиб, билим ва тажрибаларини синовдан ўтказдилар. Корхона техник хизмат кўрсатиш марказининг етакчи муҳандиси Исоқ Исмоиловнинг танлов ҳайъати ҳукмига ҳавола этган "Ярим доимий уланиш билан рақамли коммуникация тизими"га бўлган NEAX-61 станцияси орқали Биллинг марказининг маҳаллий тармоғи" мавзусидаги рационализи-

торлик таклифига биринчи ўрин берилиб, Агентликнинг "Фахрий ёрлиғи" билан тақдирланди. Корхонанинг техник хизмат кўрсатиш маркази бошлиғи Одил Бобомуродов эса "АТСК - 100/2000 русумли станциянинг ажратилган подстанция сифатида NEAX-61 рақамли коммуникация тизими"га уланиши" мавзусидаги рационализаторлик таклифи билан учинчи ўринни эгаллади.

А.ИСТАМОВ, Бухоро вилояти

## ҚИШЛОҚ ТЕЛЕФОНЛАШТИРИЛАДИ

"Хабар" газетасининг 2002 йил, 8 февралдаги 6-сонида чоп этилган "Қийинчиликларни енгиб" мақоласини "Сурхондарё Телеком" шўъба корхонаси атрафлича ўрганиб чиқди.

1989 йили Мачай қишлоғини телефонлаштириш учун Дарбанд хўжалиги раҳбарлари билан келишилган ҳолда лойиҳа-смета ҳужжатлари тайёрланган эди. Лекин хўжаликнинг молиявий аҳволи яхши эмаслиги сабабли лойиҳадаги ишлар бажарилмай қолди ҳамда Мачай қишлоғини телефонлаштириш

ишлари режага киритилмади. Бу қишлоқ тоғли ҳудудда жойлашганлиги, ер шароити ҳам айрим техник талабларга жавоб бермаслиги боис, қишлоқни алоқа билан таъминлаш учун катта маблағ талаб қилинади.

"Сурхондарё Телеком" шўъба корхонаси вилоятдаги Мачай каби қишлоқларга телефон ўрнатилган муаммосини радио ускуналар орқали ҳал этишни кўзга тутган.

У.АШУРОВ, "Сурхондарё Телеком" шўъба корхонаси бош директори

## КЎНГИЛАР ШОДЛИККА ТЎЛДИ

Тошкент алоқа коллежида Наврўз байрами ва Қарияларни қадрлаш йилига бағишланган шодиёналар бўлиб ўтди. Унда коллеж ўқитувчи ва талабаларидан ташқари алоқа корхоналари ҳамда ташкилотларидан келган меҳмонлар ҳам иштирок этди.

Байрамда талабалар спортнинг волейбол, футбол, теннис, аркон тортиш каби турлари бўйича ўзаро беллашдилар. Фолибларга мукофотлар топширилди. Шунингдек, кам таъминланган оилаларга, меҳнат фахрийлари ҳамда мана шу даргоҳда ишлаётган кексаларга моддий ёрдам кўрсатилди. Байрам дастурхонига Наврўз таомлари тортилди. Санъаткорлар ижросидаги куй ва кўшиқлар шодиёнага ўзгача файз киритди.

Ўз мухбиримиз

## ГУВОҲНОМАЛАР ТОПШИРИЛДИ

Ўзбекистон Республикаси Вазирлар Маҳкамасининг "Ўзбекистонда ўрта ва кичик бизнесни ривожлантириш ҳақида"ги қарорига мувофиқ "Матбуот тарқатувчи" акциядорлик компанияси таркибида кирувчи барча вилоятлар бош бухгалтерлари Тошкент Давлат Иқтисодиёт университети Халқаро таълим ўқув-илмий маслаҳат марказида ўз малакаларини оширдилар. Улар бухгалтерия ҳисобининг миллий стандарти ҳамда янги бухгалтерия ҳисоби сўраш режаси фанларидан сабоқ олдилар.

Машғулот якунида тингловчиларга "Бухгалтер-иқтисодчи" мутахассислиги бўйича гувоҳнома берилди.

О.МУЗАФФАРОВА





